

instala aireacondi-  
cionado na Bo



Cas AWOR!!

tel. 2170

Uw kinderen  
groeten beter met  
**DOMO MELK**  
agente:  
**Veld Stores**

Dagblad



voor Aruba

7-Up....

A refreshing drink  
agents:  
**Veld Stores**



The Beer That  
de Milwaukee Famous

19DE JAARGANG

ZATERDAG 17 MEI 1958

No. 3133

## Estado Di Sitio Na Paris A Bira Un Hecho

Medidanan serio a worde tuma pa seguridad nacional

PARIS, 16/5: — Asamblea nacional di Francia a reuni den un sesion extraordinario pa discuti e intencion di gobierno di Pflimlin, cu kier proclama estado di emergencia. Cu esey el lo hanja autorizacion extraordinario pa combati e guerra civil cu ta amenaza. Un 500 poliz tabata para na guardia dilanti dje palacio Bourbon, caminda e reunion a tuma lugar. Paris mes ta bata parece tranquil y tur hende tabata traha.

Pflimlin a tene un discurso cortico, den cual el a bisa cu tabata tin un complot contra e republica. Cier to lder den sociedad civil a trata di crea irregularidad na Paris y na Norte-Africa simultaneamente, pero gobierno lo ta masha severo cu e conspiracion. Prohibi algun organizacion y keda algun di e miembros. "Awor no ta tempo pa discuto, asina Pflimlin a bisa, pero pa accion. Pa esey mi ta pidi asamblea nacional pa proclama estado di emergencia na Francia.

Pflimlin a bisa cu ayera tabata par-ce ainda cu e militar na Argelia tabata tin intencion di evita irregularidad. "Pero awe dos hecho nobo a bira cla. General Salan a duna algun funcionario na Argelia nan retiro sin cu el a tene discusion prome of pidi permiso dje gobierno aki. Algun lider militar aparentemente tambe ta bai den un direccion, cu por causa un kibramento den e pais".

Prome cu e debate e radicalnan, socialista, republicanon popular y progresionan, mayoria parti dje centro izquierdista y representando partido izquierdista — a tene un reunion bao di presidencia di Daladier, den cual nan a firma un "gentlemen

agreement" pa aproba e proclamacion di estado di emergencia. (E progresionan semper a apoya e comunistanan antes.)

Durante un suspension cortico dje reunion e comision parlamentario pa asuntunan interior a aproba e medida cu 33 contra 6 voto y 4 abstencion (Poujadistanan). E comunistanan a anuncia cu nan lo vota na favor di gobierno.

Medidanan di seguridad

Fuentenan fidedigno a informa cu na Paris nan a tuma medida di seguridad extraordinario pa mantene tranquilidad publico.

15.000 miembro di mobile brigade ta na Paris y rond e ciudad hunto cu casi 20.000 miembro di poliz municipal. Tin tambe 800 miembro di guardia mobil, cu tin unidad blindada, den e suburbionan di Paris.

Huelga na aeropuerto

Awe tardi 1100 monteur a huelga na aeropuerto di Orly pa protesta contra e declaracion di De Gaulle, cu e ta dispuesto na tuma over gobierno dje pais. E mecaniconan ta miembro dje sindicato general comunista. E trafico aereo pa y di Orly no a worde stroba.

En conexon cu e situacion na Francia e trupanan Frances, cu ta staciona na Alemania occidental, a worde consigna den nan cuartelnan.

E amanan di cas na Paris a forma fila largu dilanti dje tiendanan awe pa cumpra articulo pa uso diario, cu, segun nan opinion, lo por bira sears si e crisis bira peor. Nan a cumpra

## Schorsing di Mr H. C. Willemsen a worde anula

Ayera mainta Ambtenarerecht, Mr. J. N. van Veen, a duna sentencia den e caso di schorsing di hoofd-commissaris Mr. H. C. Willemsen di Aruba.

Mr. W. R. Boon tabata representa gobierno; mientras cu Mr. Willemsen a atende su mes defensa.

Sr. Willemsen a entrega dos reclamacion; e prome tabata contra di e Landsbesluit No. 1 cu a duna ocasion pa un comision di investigacion worde forma pa haci un investigacion tocante dje actonan di Mr. Willemsen. Juez a declara cu esei no ta aceptable. E di dos reclamo tabata contra di Landsbesluit No. 2 cu tabata schors Mr. Willemsen for di su trabao. Juez a anula e schorsing aki.

Manera ta conoci Mr. Willemsen ya a bai den un kort geding y juez a declara e tempo el cu no tabatin motibo pa duna un sentencia di antemano.

Awor e posibilidad a keda habri pa e partidonan por bai den appel cerca Raad di Appel denter di un termino di 30 dia.

particularmente sucu, coffee, arroz, habon y spaghetti.

Exigencia di lider socialista  
E lider socialista Mollet, kende, manera a worde informa, a consinti pa tuma parti na gobierno Frances como vice-promo ministro, a exigí pa general De Gaulle haci un declaracion awe mes tocante su intencionnan berdadero. El a bisa esaki durante un debate masha fuerte entre simpatizadornan di y oponente di general De Gaulle den asamblea nacional. E socialista y ex-gobernador general di Argelia, Naegelen a grita: actitud

Biba mihor cu  
ELECTRICIDAD



De verstandige man  
gaat goed gekleed,  
van top tot teen.


Wij ontvingen een  
prachtige sortering

Interwoven Herensokken

in alle maten, kleuren en patronen

**ARUBA TRADING COMPANY**

Oranjestad — San Nicolas



Pa Calidad y Sabor

Exigi Semper

Libby's

## Relato di Polis

No por constata mas....

6. ORANJESTAD. — Diarazon mainta trempa pa banda di 6 or y mei un patrulla di polis ta constata cu riba caminda grandi banda di Pos Chiquito den e curva banda di Elmar, un auto A-4592 a bolter. Informacionnan ta indica cu e accidente aki mester a tuma lugar banda di 12 or y mei anochi. Den tur manera lo no tabatin accidente personal, e auto si ta henteramente perdi. Probablemente ta pa motibo di bebida, pero esaki ta dificil pa constata mas....

Salte cara

H.R. di Shiribana ta reporta na polis cu e la perde fl. 340.— ora cu e tabata drumi burachi cantu di caminda banda di Rooti Kongo. E anochi ayi e cu un amigo a supla mei litro di rom.

dje general no a condena e re-beldenan Frances na Argelia cu ningun palabra. Nos lo haci tur loke ta den nos poder pa stroba cu el lo bini na poder. E comunistanan y socialista nan a aplaudi e palabranan aki largu. E representacionnan dje grupo derechista sin embargo a expresa nan desatisfaccion.

Jacques Soustelle, e ex-Gaullista, cu antes tabata gobernador-general di Argelia, no tabata presente. E coran conservativo "Paris Presse" a informa cu e poliznan cu a hanja order pa "protege" Soustelle, a perde for di bista awe mainta trempa.

Presidente Rene Coty di Francia a ricibi awe tardi mariscal Alphonse Juin, e secretario general dje centro nacional di independientenan. Roger Duchet, y e ex-promo ministro radical-socialista Mendes-France tras di otro.

SET DI DORMITORIO  
TEXAS FURNITURE STORE  
Emmstraat 5 - Tel. 1082 - 1083

## Neutralnan ta hanja golpi

Durante e encuentro di boxeo Diarazon anochi tabatin algun incidente cu a tuma lugar palor di stadion. Polis mester a interweni cu klop pa trespasa orde. E publico a bira asina hostil ora cu nan a tende e decision di huanan. Cier to momento hasta e comandant di polis a hanja un piedra na su cabez, cual piedra tabata intencion pa dal un di e bueznas Honey.

## E la pasa na Tip Top

Diamars den Toko Tip Top ora cu un homber bieuw kende a cumpra un molina dos siman anterior, ta reclama cu e molina no ta traha bon y kier cambie. E donjo di e tienda no ta cambie, y e bieuw ta rabia benta e molina den vitrina kibra tur e glas.

## Nan ta hanja e boto

Diarazon L.K. di Tanki Leendert di 52 aña ta reporta cu banda di Janneiland tin un boto chiki cu motor aden den situacion casi pa bai fondo di laman, mientras cu e no ta ripara ningun hende den vecindario. E la trespasa e boto pader den haai, y actualmente e ta mata banda di Havenkantoor. E ta 14 pia largu y ta di vert color berde.

## Matanza di cacho

Deo Village polistan a tira cuater cacho mata diarazon.

FATUM — Tel.: 1845  
Pa tur bo aseguranan

VOETBAL VOETBAL

ARUBA VOETBAL BOND

WILHELMINA STADION

DIASABRA, 17 DI MEI 4'or P.M.

Riverplate vs. Tropical

Competitie A-klasse 1958

ENTRADA: Tribune f. 0.50 019 Stamplaat f. 0.50

Dos muchu cu un kaarchi

DIASABRA, 17 DI MEI, 8'or P.M.

La Fama vs. R.C.A.

Competitie Hoofdklasse 1958

ENTRADA: Tribune f. 1.— Stamplaat f. 0.50

Dos muchu cu un kaarchi

DIADOMINGO, 18 DI MEI, 4'or P.M.

den

SPORT CENTRUM NOORD

Bubali S. C. vs. Jong Aruba

ENTRADA: f. 0.— Dos muchu cu un kaarchi

VOETBAL VOETBAL

CINE E WEEKEND AKI, 17 I 18 DI MEI

DE VEER THEATER

8.30'or 18 anja  
Fls. 1.75 Fls. 1.25

„THE MAN WITH THE GOLDEN ARM”

cu: Frank Sinatra — Eleanor Parker — Kim Novak

— El Hombre del Brazo de Oro —

DIADOMINGO Tur edad  
Matinee 5.30'or Fls. 1.00

„THE SONG OF BERNADETTE”

cu: Jennifer Jones — Charles Bickford — William Eythe — Vincent Price

RIALTO

8'or 18 anja  
Fls. 1.25 Fls. 1.00

„THE ADVENTURES OF OMAR KHAYYAM”

cu: Cornel Wilde — Michael Rennie — Debra Pagel —

John Derek — Raymond Massey

DIADOMINGO Tur edad  
Matinee 5.45'or Fls. 0.50

„JOAQUIN MURIETTA AND CHIEF CRAZY HORSE”

cu: Jim Davis — Rick Jason — Mary Castle

PRINCIPAL

DIASABRA 18 anja  
8'or Fls. 1.50

„BAND OF ANGELS”

cu: Clark Gable — Yvonne de Carlo

DIADOMINGO Tur edad  
Matinee 6'or Fls. 0.50

„TARZAN AND THE LOST SAFARI”

8'or 18 anja  
Fls. 1.25 Fls. 1.00

„ROCK PRETTY BABY”

cu: Sal Mineo — John Saxon — Luana Patten

— Baila Linda, Baila —

AURORA

DIASABRA 18 anja  
7.30'or Fls. 1.00

„THUNDER BAY”

cu: James Stewart — Joanne Dru — Gilbert Roland — Dan Dryan

DIADOMINGO Tur edad  
Matinee 6'or Fls. 0.50

„HOT SHOTS”

cu: The Bowery Boys — Stanley Clements — Jol Lausung

7.30'or 18 anja  
Fls. 1.00 Fls. 1.00

„ASI ES MI TIERRA”

cu: Cantinflas

DIASABRA 18 anja  
7.30'or Fls. 1.00

„E BISHIT DI SU ALTEZA REAL PRINSES BEATRIX

NA ANTILLAS NEERLANDES I SURINAM”,

en combinacion cu e pelicula:

„ASI ES MI TIERRA”

cu: Cantinflas

SAVANETA

DIADOMINGO Tur edad  
Matinee 6.30'or Fls. 0.50

„PEPOTE”

cu: Pablito Calvo

8.30'or 18 anja  
Fls. 1.00 Fls. 1.00

„E BISHIT DI SU ALTEZA REAL PRINSES BEATRIX

NA ANTILLAS NEERLANDES I SURINAM”,

en combinacion cu e pelicula:

„KISS OF FIRE”

cu: Jack Palance — Barbara Rush

— Besos de Fuego —



what a rich  
mellow  
taste!

what a  
grand blend of  
pure coffee —

NESCAFÉ



There's a special reason why Nescafé is a this country's favourite instant coffee! In the countries all over the world where Nescafé is enjoyed, Nestlé's make a blend to suit each national taste. So your Nescafé is blended and roasted just to your liking. And, because you make it instantly, you get fresh coffee with every cupful — coffee at its fragrant refreshing best.

there's always time for

NESCAFÉ

100% PURE INSTANT COFFEE



## El Consul de Colombia en Aruba y Señora de Rubiano Vargas

Agradecen profundamente a los miembros de el Honorable Cuerpo Consular, a la Colonia Colombiana, a los Representantes Gubernamentales de Aruba, Directiva de Lago Oil Company, Entidades Bancarias y Comerciales, Prensa y Radio locales amigos y relacionados, las manifestaciones de condolencia que les fueron presentados, con motivo de la muerte de su hijo, el niño

EDUARDO RUBIANO ARBOLEDA.

Mayo 16 de 1958 O'stad.

## UN OFERTA SENSACIONAL

Pa Tur Parehanan Di Matrimonio Venidero Na Aruba

Tempu ta caro — especial pa hendenan hoben, coe kien casa y mester instala nan cas. Pero, parchanan di matrimonio venidero, nos ta juda bo!!

Tur hende coe tin idea di casa y foi di awe te 1 di juni 1958 cumpra nan muebles etc., ta hantia cerca nos UN REGALO ESPECIAL. No un cos ehiquito di algun cens, pero un regalo grandi mes — completamente gratis. Por chempel



Ademas:

Terminonan pa paga facil

Cu compra di un refrigeradora, lo bo ricibi:

1/2 lb. di ham, 1/2 lb. di keshi, 1/2 lb. di salami, 3 lbs. di pork chop, 3 gallina, 10 appel, 10 pera, 12 blicki di julece - berduira y 1 cana di refresco.

Ademas:

Compran cash rebaha grandi

BO NO PERDE E OPORTUNIDAD AKI

Bin tira un bista y weita nos coleccion grandi di

MUEBLES — REFRIGERADORAS WESTINGHOUSE — MACHIN DI LABA PANJA — STOVE — RADIO — SET DI T.V., etc., etc.

Cu compra di instalacion completo pa bo cas (riba f 3000.—) e pareja ta hantia un pasashi ida y vuelta gratis coe K.L.M. pa Caracas.

Neme Import Export Co.

SMOKE



...They Satisfy

Muchanan di school di Santa Cruz lo duna premiere di e comedia di Lourdes dia 26 di Mei

ORANJESTAD. — Actualmente un gran cantidad di muchanan basta grandi di school di Maria y San Jose di Santa Cruz ta estudiando pa presentacion di e comedia di Lourdes, cual lo wordo presenta pa di prome bes dia 26 di mei luna aki.

E comedia aki tambe lo ta relata e mes un historia di Mama la Virgen

y e muchanan na Lourdes, pero un poco diferente na e manera cu lo wordo presenta na Wilhelmina Stadion dia 8 di Juni. Es un di Wilhelminastadion ta un comedia di un parti, mientras es un di e muchanan di Santa Cruz lo ta un comedia di seis diferente partida. E premiere lo tuma lugar den Club di St. Martinus na Santa Cruz.

# PAGINATRES

## Tijd. Gezaghebber Tambe Ta Presenta Pa Despedida Di Ambtenaar A. Hanson



Durante e despedida ayera mainta di e rechercheur A. Hanson den cantine di pollnan na Oranjestad, nos ta mira e ambtenaar di mas bjeuw di Antillas Neerlandes, kende Diahuebs pasa a cumpli precisamente 50 anja den servicio di gobierno, den presencla di tul di su superioran. Nos ta mira inspector A. E. Kibbelaar, inspecteur J. van Marion, tijd. Gezaghebber drs. K. H. de Boer, senior Hanson y tijd. commissaris di polis, hoofdinspecteur H. Stuvell.

### Cincuenta anja como militar y polis na Antillas Neerlandes

ORANJESTAD. — Un grupo grandi di amigo y colegas ta reuni huuto ayera den cantine di polis na Oranjestad, na unda pa banda di diez or nan lo tuma despedida di senior A. Hanson kende dia di Ascension a cumpli hustamente 50 anja den servicio di gobierno y tambe sin desercion ta e ambtenaar di mas di edad di Antillas Neerlandes. Un despedida manera esaki no ta cos di tur dia y te hasta Gezaghebber temporal di Aruba drs. K. H. de Boer ta laga su oficina y asina ta honora e presentenan cu su presencla. Poco hende por jega na presta loka sr. Hanson a cumpli. Cincuenta anja como ambtenaar?

Den un cantine yen di hende na unda nos ta mira banda di senior Hanson su tres jiu muberman y su jiu homber kende a bini for Corsow specialmente pa e ocasion aki, nos ta mira demas di e oficialnan di cuerpo di polis cu ta na Aruba. Mr. J. Eleonora, griffier na Oranjestad, y ta prome hende cu ta baci un discurso na sr. Hanson tijd. Gezaghebber. E ta bisa cu esaki ta un prestacion cincuenta anja ambtenaar bao di e solo cayente di tropico aki. Pues orador tambe tin hopi anja cu e la pasa na Oost. Pues cincuenta anja den servicio ta un cos fenomenal, y cincuenta anja como militar y despues como polis na e Isla aki, ta un cos cu ta exhibi masha respect di tur banda. Despues cu e ta relata cu durante e eortio tem-

po cu e ta na Aruba, e no a tende nada mas cu bon di sr. Hanson, tijd. Gezaghebber ta termina su discurso cortio desercion lo mester na senior Hanson y su esposa, kende lastima ayera pa motibo di malesa no por tabata presente.

Wnd. Commissaris, hoofdinspecteur H. Stuvell ta e persona cu ta bai relata e carrera di bida di senior Hanson, di loka e la saca foi carabi y loka e por a descubri di e ambtenaar aki di 68 anja di edad.

Senior Albert Hanson a nace dia 23 September 1889 na Corsow, dia 1 di Mei 1908 e ta bira solda voluntario pa un anja cu sueldo di fl. 50.— pa luna. E periodo di servicio aki ta worde renova cu dos anja mas y despues cu

seis anja mas. Dia 8 di October 1913 sr. Hanson ta worde detacha na e brigade di Marchaussee.

Dia prome di Juli anja 1914 tabata un dia grandi pe, pues e ta hantia un gratificacion di 12.— y medalla di broos. Dia 30 di Nov. 1921 e ta drenta matrimonio cu Paulina Martina Mercera, hende di Bonaire. Dia 14 di Mei 1923 e ta sali foi dienst di Corsow, pa servicio termina cu derecho riba pensio.

Sigui lesa riba pag. 4

### Reserva di awa

ORANJESTAD. — Pa motivo di barios dia di fiesta di ultimo dianan (Riba diadomingo y dia di festa semper menos awa ta worde usa) e existencia di awa no ta baha asina liber. Sinembargo e ta baha poco poco si, pues trata di usa menos awa cu ta posibel. E ultimo lista ta:

20 Januari	29.569 m3
1 Februari	27.510 m3
1 Maart	22.400 m3
1 April	16.000 m3
1 Mei	9.430 m3
6 Mei	10.630 m3
12 Mei	10.070 m3
14 Mei	9.430 m3
16 Mei	9.170 m3

fuerte i un poco indignas. „Na India? No haci wega. Ta laat di anochi awor aki i no ta momento adecuado di haci wega na telefon.“

„Por favor. No cologa e bocina. Mame dame por ta na cas?“

E stem a murmurar algo awor den den djente.

„Madame ta na sonjo i awor aki ni no por spierde. Pero den tur esai ta cu quende mi ta papia?“

E no por a resisti mas despues di tanto emocion y misteriosidad y despues di esai e comunicacion a ser quibra.

De la manera cu Andre su mama tabata na cas anto i Andre mes lo regresa majan.

I absolutamente e no tabata na India.

Manera un hende paraliza el a lastra bai na su cuarto. El a cerra e porta su tras i tabata asina cansa, cu e mester a leun contra algo.

Cortinanan dilanti su bentana tabata move bai bini i Olga tabata tembla manera barra berde.

Aqui no tabatin duda, pasobra cu tur seguridad tabatin un hende ta spion'e tras di cortinanan di beitana.

„Calma bo... Actualmente ainda mi no tin necesidad di pone un fin na bo bida.“

Un ril di ansia a pone Olga ta estremece, mientras sordnan abundante transforman den pepitanan grandi tabata corre na su cara.

Pero ta quico ta pasando? Por ta posibel cu e mes, ta temblando cu e manera un cobarde? E mes mucha muhe, e mes Olga cu a lucha cinco anja largo contra tur dificultadnan hunto cu Paul den madreselvanan peligrosimo di Brazil abandonada? I awor e mester a sinti berguesia. E mes Olga cu antes a landa den lagunanan caminda tabatin caijan, awor ta spanta pa su sursura di un ri. E cu un choque el a sagudi tur temor foi su skoudernan.

El a bula lanta cu brio corre bai na e bentana i a ranea e cortina, pero no tabatin ningun hende absolutamente para su tras. Ta bieu lo baha move e cortina aki.

Nervioso sin sa quico haci awor e tabata sconde su cara den su mannan. Por ta loco e tabata bibrando di manera a?

Awor e tabata corda riba conseho di e dokter cu tabata bishita na Rio de Janeiro tempo cu e tabata sinti gravemente malo di e caintura di Brazil. Esaki a ordene tranquilidad completa sin excitacion i hopi sosiego.

Dokter a conseho di evita tur keston, tur loque por pone consumi. I casi e mester a liari, pasobra tur loque el a contra cu'e ta net contrario pa su salud.

Majan mainta el a dicidi di bai Madrid directamente. Ningun hende lo e

## Cumpleanjos feliz

PA CORTESIA DI  
**KAN**  
E MEHOR CAS DI REGALO

Hopi felicitacion ta bai pa sra. Anna Maria Tromp kende ta celebra su cumpleanjos, pa parti di su mama, tata, rumannan, primo, prima, omo y tantanan di Bruno y canja y di Francisca y Ninita Giel.

Johnny Dania kende a celebra su prome Santa Comunian ta ricibi hopi felicitacion di su tata Julio, mama Therisita, rumannan Elly, Julieta, Edwin, Maiky, especialmente su tantanan y su wela.

**CADA REGALO TA BONBINI PERO DOBBEL BONBINI TA UN REGALO compra awa KAN.**

Hopi felicitacion ta bai pa Pascual Quandus kende ta celebra su cumpleanjos pa parti di su mama, tata, rumannan, subrina y subriannan y demas familia na Corsow.

Awe ta celebra su 6 aniversario e hobencito Robbio Quandus y e ta ricibi hopi felicitacion di su mama, tata, rumannan Ronny, familia Quandus, Gavidia y demas familiares.

Awe ta recorda su fecha natal sr. Hyacintho y e ta ricibi hopi felicitacion di su esposa Norma, jiu Mariana, y mama, rumannan Ursula, Josepha, Anna Maria, Servinio, Joannes, subrina y sobrinonan.

Refrescante

**VITAVEG**

Come comcomber diariamente

Felicitacion ta bai pa e hobencito Carmen Tromp kende ta celebra su 15 primavera y e ta ser felicit pa su estimada mama Rosa, rumannan Juan, Eric, Lilia, tanta Catrin, Francisca, omo Bernardo, wela Maria, Carmen na Corsow, amiga Felome Giel, tanta Helena, amiganan di school, familia Eiden, Ignacio na Corsow, demas familia Tromp.

**INTERNATIONAL B. F. GOODRICH TIRES**

Prijn vanaf Fl. 30.—

S. N. ECURY N.V.

ECURY MOTORS LTD.

**Hr. Ms. „Van Speijck“ ta dren-ta awe**

ORANJESTAD. — Awe trobe nos ta bobbe hanja bishita di e bapor Hr. Ms. „Van Speijck“. E bapor aki lo keda te Dialuna den haaf na Oranjestad.

No bisa su plan, pasobra e no ta confia ningun. Lo e haci como si fuera ta un pasio e ta haciendo i ora cu e yega den aldea lo e cohe trein. B tabatin masha poco placa, por chemplo un paar di peseta sol asina, cual nan el a cambia na aerodromo pa placa di Madrid.

Drumi riba su cama e tabata traha su plan i a dicidi awor di cende luz Ora cu el a tira su bista den direccion di kashi, el a ripara pronto e portret di Andre aya. De la manera cu un hende mester a drenta den su cuarto trobe bin pone e.

El a cerra su valies bon duro, pero ainda e no tabata bisa di baha trapi cu'e, pa miedo di no mester contra cu Finz of cu Xavier. El a hantia cu ta lastima di mester a larga tur su tesoronan atras, pero e no por a haci di otro manera. El a pusha su maleta bao di su cama den speranza di por a hantia esaki despues atrobe.

Cu un cara indiferente e tabata baha e trapinan. Finz na a tuma ni e molester di a bin trece su desayuno p'e den su cuarto. El a drenta comedor, pero e no a contra cu Xavier aki.

Egon no tabata paga i no tabatin ni un razzo di desayuno di mira riba mesa. Tabata reina un silencio sofocante den e cas aki i esai tabata nifi cu e na e momento aki e tabata baha pa un persona enal tabata e mes.

Por ta cu nan a bal larg'e pa su cuenta?

El a comprende cu e mester a probecha di e bunita ocasion aya pa e hui. I sinembargo su curiosidad a strobe di haci esai. Ta na unda Xavier lo ta na e momento aki? El a warda 10 minut., 20 minut., Ningun solo zondo, ni un taba no a krak. Por ta na sonjo nan por ta ainda? No, esai tabata imposible, pasobra ya solo lo tabata basta alto cabu na firmamento. Grendel di e porta dilanti tabata hata. Pues un hende a bai afor. Sigur ta Xavier. Sigur lo e quier a larg'e solitario trobe mescos cu e anochi anterior pa e muri asina di ansia, soledad i fastidio.

(Elasigui)

Mira den spiel,

e spiel ta bisa bo cu un bril

moderno ta acentua bo belleza

Bo por huyi un gran coleccion

na:

**ODUBER & KAN**

Opticman den Nassaustraat No 47

Pa aviso y tur correspondencia na "Arubaanse Courant" dirigib na Nassaustraat 33, Oranjestad. Telefon: 1116 Directo y Aviso. 1115 - Redaccion y Suscripciones. Numero wout di ARUBAANSE COURANT per wordo obtini na San Nicolas na Union Store, Mainstraat.


TAORO - MANGO juice

Parteras, enfermeras, etc.  
Zr. M. vd Mark, tel. 1557  
Rondweg 1, Dakota.  
Zr. Brannmuller, tel. 1355,  
Wilhelminastraat 22, Oranjestad.

Biba mihor cu ELECTRICIDAD

y... MESKER ta drecha mi MUEBELNAN

TELEFOONSTANDAARDS



ARENDS AGENCIES  
Tel. 1478



**Bo machien pa kantoort**  
lo dura mas y costa bo menos  
**si nos mantene**  
Tambe nos ta drecha typewriters y otro machien mas na cas  
**TIELEMAN'S**  
Tel. 2148

**MARIO S. ARENDS N.V. Concurso**  
375 punto 1 caha (2 jabon plus colonia) Maja

si bo ke un  
**Un Batteria**  
acudi na  
**GENERAL STORE**  
C. L. Juliao  
Oranjestraat 26 — Tel.: 1249



ieder schoolgebouw

kijkt uit naar



**NOBO NOBO NOBO**  
Nassaustraat 34  
A caha di jega pa e dianan di Pentecoste:  
Noveltes - i telanan bunita.  
Larga cose bo hislanan awor pa Misa i fiesta

**TA BENDE Un Cas**

situa na Paradera,

Seroe Pretoe 26

Pa mas informacion

JAMA TEL.: 1210

of jega cerca


LAUREANO LACIE, Emmanr. 93



# Oferta Sensacional

## FRIGIDAIRE — REFRIGERADORES

### Modelos - 1958



S - 8 - 58


8 Pia Cúbico „Super”

**FRIGIDAIRE MODEL 1958**

Prijs . . . NA.Fl. 518,00 cash

Prijs . . . „ 572,00 na cuota

**Servicio primera**




FD - 104 - 58

10,4 Pia Cúbico „Automatico”

**FRIGIDAIRE MODEL 1958**

Prijs . . . NA.Fl. 748,00 cash

Prijs . . . „ 825,00 na cuota



D - 11 - 58

11 Pia Cúbico „De Luxe”

**FRIGIDAIRE MODEL 1958**

Prijs . . . NA.Fl. 588,00 cash


Prijs . . . „ 645,00 na cuota

Di miho calidad

**FRIGIDAIRE**

Pa miho prijs

**N. V. WINKEL'S HANDEL MIJ.**




D - 13 - 58

13 Pia Cúbico „De Luxe”

**FRIGIDAIRE MODEL 1958**

Prijs . . . NA.Fl. 668,00 cash

Prijs . . . „ 738,00 na cuota



FI - 122 - 58

12,2 Pia Cúbico (Dos Porta)

„Imperial - Automático”

**FRIGIDAIRE MODEL 1958**

Prijs . . . NA.Fl. 968,00 cash

Prijs . . . „ 1.076,00 na cuota

**Di awe pa dilanti bo adres: FRIGIDAIRE Refrigeradores**

**N. V. WINKEL'S HANDEL MAATSCHAPPIJ**

ORANJESTAD: Wilhelminastraat  
telefoon: 1431

SAN NICOLAS: B. v. d. Veen Zeppenfeldtstraat  
Telefoon: 5095



